

KLIP-KLAP

Ya cu na Aruba a wordo prohibí Jump-Up!

Academy Brass

a wordo solicitá pa presentá na Curaçao....

Proximo fin di siman 4 y 5 di Maart. Despues cu nan a pone nan temanan promocional na radionan local esaki tambe a wordo mandá pa nan representante na Curaçao unda el a wordo bon aceptá.

Aña pasá nan 'shake' e isla bisña durante nan gira promocional cu nan a realizá cu nan promé compact.

Cu e confirmacion aki nan lo ta participando na un Jump-up y tambe na varios otro sitionan.

Claro ta cu nan tambe lo haci uso di e presentacionnan aki pa tambe distribuí nan 2do compact na tur disco bar y tambe na radio.

Cu hopi alegría e muchanan aki lo ta biahando próximo siman. Ya caba nan a prepará un master di show cu nan tabatin cla pa e Jamboree cu a na final a wordo cancelá.

Pa Curaçao e repertorio lo



wordo ampliá y e bailenan lo wordo perfeccioná.

Sin duda e muchanan aki di

A.B.I. "Academy Brass International" lo duna tur cu tin y algo mas. Cu e bishita aki nan ta duna un tiki mas di conocé cu berdaderamente nan ta Internacional.

Pa Aruba nan tin un secreto of sorpresa ey banda cu nan no kier divulgá, mas bien bon será.

Tur esaki lo sali den claridad den transcurso di e siman-nan....

KLIP KLAP lo ta cubriendo e fin di siman aki ya cu un dia promé tin Festival di Tumba na Curaçao, asina ta, keda pendiente pa un par di 'shot' sospechoso y stressfull di alegría.



BO MESTER POR SA!

Cu cos ta hot awe den San Nicolas Sport Park....Y spera di start na ora y spera cu no lo tin retrazo cu e bandanan...

Cu tin 8 Brassband riba caminda...

Cu e paliza cu BÚDOEM a propiná AKI AYA y Canal 90 FM/Prensa tabata asina fuerte cu e dos equiponan aki a pidi un weekend stay na Hospital.

Cu despues cu a wordo propagandá na Radio y medionan di comunicacion escrito cu e team di BÚDOEM ta manera e ta y awor cu tur a perde tin tur sorto di escusa fofa....

Cu no tin nada mihó cu participá amistosamente....

Cu tur esnan cu a propagandá cu nan lo gana.....a para na banda!

Cu tur cos ta cla cu nos participacion den Tumba Festival....

Cu hala aki, hala aya....ta chicken wings nos tur ta come....

Cu tin un par di appel dañá cu mester wordo sacá for di e macuto di alegría....

Cu tur cos cu ta concentrá riba Carnaval ta wordo comercializá.

Cu den caso di emergencia, please kibra e glass....

Cu con bai bin e lo tey semper den bo y cu bo....

Cu bo tambe por bai Curaçao Tumba Festival pero si tin lugá den avion ta otro cos.

Cu e vuelonan pa Curaçao próximo fin di siman ta hopi yen....

Cu Aruba tambe ta mira un yeno total awe y aki 2 siman tambe.

Cu sin yama....mescos ta asina, con e lo ta hunto tur dia.

Cu inscripcion pa kavel a start, bo a yena bo number caba.

Cu decisionnan mester cai promé cu cos sigui asina....Kiko esaki ta? KLIP KLAP no sa, abo sa?

Cu e promé Diabierna di Maart lo start na canal 13 KLIP KLAP KLOP....esaki lo ta un programa di farandula Local, Antiyano y Internacional.

Cu un equipo di produccion a wordo arma pa show aki cu lo ta algo otro cu Aruba ta costumbrá cuné.

Cu stop di come no ta dieet, minorisá cuminda ta un bon start.

Cu facil tabata cambia un actividad, pero difícil ta paga algo bo no a usa.

Cu den un solo palabra.....Keda keto y mira con cos ta pasa y lora bo dilanti.

Cu awendía tin e tendencia di mira mas cosnan cu doña ya cu e aventura ta mas emocionante.

Cu e vuelo ya ta sigurá....Ho.ho.ho...!!

ZZAPP
MUSIC STORE & electronics

E CARNAVAL CD DI LUNA PA

AFL. 24,50

CARNAVAL 41 A YEGA!!!

Pa celebré e CD di e dushi band di Carnaval 1994 ta costabo solamente AFL. 24,50 Te ora cu tin den stock

1 SEAPORT MALL (Net patras di McDonald's) tel. 38010 HOPI BABRRRATA!!!
2 HAVENSTRAAT (dilanti Cha-San Supermarket) tel. 30127